



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 423
e-mail: info@voda.ba

Broj: **UP-1/21-2-40-408-11/24**

Datum: **31.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „LUDIYA» d.o.o. Sarajevo za donošenje rješenja o vodnoj saglasnosti za aktivnost vađenja materijala iz korita rijeke Vrbas na lokalitetu „naselje Humac, uzvodno od mosta izgrađenog na rijeci Vrbas prema naselju Dražev Dolac” – LOT1, općina Gornji Vakuf - Uskoplje, na osnovu člana 121. stav (3) Zakona o vodama («Službene novine Federacije BiH», broj 70/06) i člana 200. stav (1) a u vezi sa članom 135. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E

Odbija se zahtjev pravnog lica „LUDIYA» d.o.o. Sarajevo za donošenje rješenja o vodnoj saglasnosti za aktivnost vađenja materijala iz korita rijeke Vrbas na lokalitetu „naselje Humac, uzvodno od mosta izgrađenog na rijeci Vrbas prema naselju Dražev Dolac” – LOT1, koji se nalazi na prostoru Federacije BiH, općina Gornji Vakuf - Uskoplje.

O b r a z l o ž e n j e

Dana 12.08.2024. godine dostavljen je ovoj Agenciji zahtjev pravnog lica „LUDIYA» d.o.o. Sarajevo za donošenje rješenja o vodnoj saglasnosti za aktivnost vađenja materijala iz korita rijeke Vrbas, u općini Gornji Vakuf - Uskoplje.

Uz zahtjev je dostavljena slijedeća dokumentacija:

- Ovjerena kopiju Rješenja o izmjenama podataka broj: 065-0-Reg-23-005399 od 25.01.2024. godine, Općinski sud u Sarajevu;
- Ovjerena kopija Uvjerenja o registraciji poreznog obveznika, izdatog od strane Kantonalnog poreznog ureda u Sarajevu, dana 20.02.2024. godine;
- Ovjerena kopija Obavještenja o razvrstavanju poslovnog subjekta prema klasifikaciji djelatnosti, Federalni zavod za statistiku, 21.02.2024. godine;
- Dokaz o uplati upravne takse u iznosu 60,00KM (uplatnica);
- Elaborat „Vađenje materijala iz vodotoka rijeke Vrbas na lokalitetima Humac, Hrasnica, Ploča i Batusa sve nizvodno od Gornjeg Vakufa-Uskoplje, općine Gornji Vakuf-Uskoplje”, urađen od strane LUDIYA d.o.o. Sarajevo, juli 2024. godine.

Uvidom u dostavljeni zahtjev i priloženu dokumentaciju utvrđeno je da je podnosilac dostavio Elaborat i zahtjev za četiri lokaliteta vađenja materijala te je dana 14.08.2024. godine telefonskim putem obaviješten da mora dostaviti pojedinačne zahtjeve i Elaborate za svaki lokalitet, u skladu sa rješenjima o prethodnoj vodnoj saglasnosti. Dostavljeni zahtjev, uz saglasnost podnosioca, je prihvaćen kao zahtjev za LOT1.

Na osnovu uvida u dokumentaciju dostavljenu uz zahtjev, utvrđeno je ista ne sadrži potrebnu dokumentaciju tražena tačkom 3. i 5. rješenja o prethodnoj vodnoj saglasnosti ili je ista nepotpuna i to:

- Dostavljeni elaborat za vađenje materijala iz korita rijeke Vrbas na predmetnom lokalitetu nije urađen od strane ovlaštenog pravnog lica, u skladu sa uslovima propisanim rješenjem o prethodnoj vodnoj saglasnosti;
- Nije dostavljena saglasnost udruženja sportskih ribolovaca na vađenje materijala iz korita rijeke Vrbas na predmetnom lokalitetu u periodu definiranom dodijeljenim ugovorom (dostavljeno samo u sklopu Elaborata);
- Nisu dostavljeni dokazi Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala (Ovjerena izjava Izvođača).

Kako uz zahtjev nije dostavljena potrebna dokumentacija, dopisom broj: UP-1/21-2-40-408-3/24 od 25.09.2024. godine, od podnosioca je zatražena dopuna dokumentacije neophodne za vođenje upravnog postupka, u roku od 20 dana. Podnosilac zahtjeva je djelimično dopunio zahtjev (Elaboratom) dana 11.10.2024. godine.

Izvođač je na lokalitetu Humac počeo radove na vađenju materijala bez vodne saglasnosti, o čemu je sačinjen zapisnik o inspekcijskom nadzoru dana 19.09.2024. godine, od strane Federalne uprave za inspekcijske poslove Sarajevo. U prijavi za inspekcijski nadzor je navedeno da se na predmetnom lokalitetu vrše iskopi u koritu rijeke Vrbas gdje se uz radne strojeve nalaze i alati za eksploataciju i istraživanje potencijanih mineralnih sirovina, što nije uobičajeno prilikom izvođenja radova na čišćenju korita. Obilaskom predmetnog lokaliteta Federalni vodni inspektor je zatekao nepoznatu radnu mašinu u koritu rijeke Vrbas, sličnu separaciji. Nije bilo prisutnih radnika koji izvođe radove. Na licu mjesta utvrđeno je da je rijeka skoro u potpunosti pregrađena riječnim materijalom a samo mali dio ostavljen za slobodan protok, u cilju instaliranja nepoznate radne mašine (jaružalo). Dana 20.09.2024. Federalna uprava za inspekcijske poslove donijela je rješenje kojim se pravnom licu LUDIYA d.o.o. Sarajevo zabranjuje vađenje materijala do pribavljanja Rješenja o vodnoj saglasnosti.

Dopisom broj: UP-1/21-2-40-408-5/24 od 26.09.2024. godine, zatražena je od Sektora 30 Agencije informacija da li je „Ugovor o vađenju materijala iz vodotoka rijeke Vrbas na lokalitetu „naselje Humac, uzvodno od mosta izgrađenog na rijeci Vrbas prema naselju Dražev Dolac“ – LOT1, broj: 30-43-17/24 od 6.6.2024. godine raskinut ili potpisan novi, obzirom da Izvođač u propisanim rokovima (60 dana) nije izvršio obaveze iz člana 2. Ugovora“. Također je zatražen i zapisnik Komisije o ponovnom uviđaju na predmetnoj lokaciji sa preporukom za dalje postupanje, obzirom da je na predmetnoj lokaciji stanje značajno izmijenjeno, materijal dislociran, a sve u cilju izrade Elaborata u skladu sa stvarnim stanjem u koritu. Odgovor je zaprimljen 03.10.2024. godine sa informacijom da će se o stanju na navedenoj lokaciji dostaviti izvještaj nadzora (TEAM HIDRO d.o.o. Sarajevo, ugovor broj: 30-913-9/24 od 23.08.2024. godine) te je 16.10.2024 dostavljen izvještaj nadzora broj: 005-12-10/24. U izvještaju je navedeno da je izvođač ušao u korito i započeo radove sa „poluautomatskim bagerom za odvajanje šljunka i pijeska“ i o istom je priložena foto dokumentacija.

Dopisom broj: UP-1/21-2-40-408-8/24 od 04.11.2024. godine, od podnosioc je obaviješten da je obavezan dostaviti dopunjenu dokumentaciju utvrđenu tačkom 5. rješenja o prethodnoj vodnoj saglasnosti i to:

- Važeći Ugovor o izvođenju predmetnih radova potpisan sa Agencijom za vodno područje rijeke Save Sarajevo;
- Validne dokaze Izvođača da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala.

U toku vođenja ovog postupka, kao ni do dana donošenja rješenja, nije dostavljena tražena dopuna.

Uvidom u dostavljeni (dopunjeni) Elaborat vađenja materijala iz vodotoka rijeke Vrbas na lokalitetima Humac, Hrasnica, Ploča i Batuš, lokacija Humac, utvrđeno je da isti nije urađen u skladu sa uslovima propisanim u rješenju o prethodnoj vodnoj saglasnosti, te istim nije prikazano stvarno stanje na terenu i to:

Tačka 3.1.:

- Urađen je geodetski snimak aktuelnog stanja na predmetnom lokalitetu i situaciono prikazana tri manja sprudišta na dužini cca 400m korita vodotoka;
- Grafički prilozi Elaborata sadrže situaciju M1:1000, uzdužni i poprečne profile korita (P1-P10) na predmetnom lokalitetu, za prvobitno stanje prije nego je materijal nelegalno dislociran;
- U poglavlju 3. dostavljenog Elaborata: „dokaznice količina šljunčanog materijala“ prezentiran je tabelarni proračun količina materijala u iznosu od 826,97 m³ materijala koji treba izvaditi.

Tačka 3.2.: U Elaboratu je priložena „Suglasnost za realizaciju ugovora o čišćenju korita rijeke Vrbas od Humca do Gornjeg Vakufa-Uskoplje, izdata od strane UG SRD „Vrbas“ od 23.07.2024. godine kojom je predložen vremenski period realizacije radova koji neće ugroziti mrijest ribe i to od 01. marta do 01. oktobra.

Tačka 3.3.: U dostavljenom Elaboratu nije prikazano planirano mjesto odlaganja izvađenog materijala (deponija) kao ni dokazi o riješenim imovinsko-pravnim odnosima.

Tačka 4: Podnosilac zahtjeva je za potrebe izrade projektne dokumentacije angažirao projektnu kuću „HIGRACON“ d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Tačka 5: Podnosilac uz zahtjev nije priložio svu potrebnu dokumentaciju navedenu tačkom 5. PVS-a. Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da je isti imao nedostatke koji su sprječavali postupanje organa, odnosno nisu ispunjeni uslovi iz Rješenja o prethodnoj vodnoj saglasnosti broj: UP-1/21-1-40-095-6/24 od 11.04.2024. godine donesenog od strane ove Agencije, kao ni rokovi propisani članom 9. Ugovora o vađenju materijala iz rijeke Vrbas na predmetnom lokalitetu, broj: 30-43-17/24 od 06.06.2024. godine, potpisanim od strane ove Agencije.

Imajući u vidu da je Izvođač u određenoj mjeri već dislocirao materijal u odnosu na stanje prikazano kroz Elaborat, pokrenuo aktivnost i zahvate u prostoru vodnog dobra i priobalnog zemljišta koje su zabranjene po čl. 95. Zakona o vodama, te u koritu instalirao nepoznatu mašinu (jaružalo) koja pored zahvatanja materijala zahvata i koristi vodu za njegovo ispiranje, nisu se stekli uslovi za pozitivno rješavanje zahtjeva.

U skladu sa članom. 63. Zakona o vodama, vađenje materijala iz vodotoka dozvoljeno je u obimu i na način koji bitno ne mijenja prirodne procese, ne remeti prirodnu ravnotežu ekosistema ili ne pospješuje štetno djelovanje voda, što u ovom slučaju nije ispoštovano.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena vodna saglasnost, pa je riješeno kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Nihad Pezo, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- «LUDIYA» d.o.o. Sarajevo, ul. Ferhadija br. 11, 71000 Sarajevo
- ⊖ AVP, ISV – Vodna knjiga
- Sektor 40, arhiva
- Sektor 30
- Oglasna ploča, AVP Sava